


Nr.: GAT-045	Verkmenntaskólinn á Akureyri	
Útgáfa: 10		
Dags.: 23.02.2016		
Höfundur: AMJ		
Samþykkt: SHJ		
Síða 1 af 5	Vinnustaðanám á hand- og lyflækningadeildum eða almennu sjúkrahúsi og sérdeildum Námsáætlun VIN 205 Haustönn 2016	

Kennari	María Albína Tryggvadóttir	Sk.st.	MAL
----------------	-----------------------------------	---------------	------------

Áfangalýsing: Verknám fer fram á hand- og lyflækningadeildum eða almennu sjúkrahúsi. Náms tíminn er 15 átta klukkustunda vaktir á önn. Hjúkrunarkennari, leiðbeinandi og deildarstjóri bera sameiginlega ábyrgð á verklegu námi sjúkraliðanema. Nemandi fylgir leiðbeinanda við öll almenn störf sjúkraliða. Í upphafi tímabils setur nemandi sér persónuleg og fagleg markmið um verknámið. Á meðan á verknámi stendur skal nemandi fylla út gátlista um unna verkþætti.

Áfangamarkmið á hand- og lyflækningadeild:


Að loknu námi í áfanganum á nemandi að:

- Sýna þekkingu í hjúkrun og aðstoð við sjúklinga á hand- og lyflæknisdeildum.
- Sýna færni í samskiptum við skjólstæðinga.
- Sýna faglega umhyggju í hjúkrun mikið veikra sjúklinga og geta útskýrt mismunandi hjúkrunarþörf þeirra.
- Geta útskýrt mikilvægi andlegs undirbúnings fyrir og eftir aðgerðir og rannsóknir.
- Sýna færni í hjúkrun fyrir og eftir aðgerðir og rannsóknir.
- Þekkja og sýna skilning á mikilvægi skráningar.
- Sýna færni í algengum sýnatökum og meðferð sýna.
- Sýna færni í að skipuleggja og forgangsraða hjúkrun skjólstæðinga í samvinnu við leiðbeinanda.
- Sýna skilning á hlutverki sjúkraliða á viðkomandi deild.
- Geta gert grein fyrir mikilvægi trúnaðar og þagnarskyldu við skjólstæðing.

Áfangamarkmið á sérdeildum:

Að loknu námi í áfanganum á nemandi að:

- sýna færni í hjúkrun sjúklinga á sérdeild
- sýna færni í samskiptum og skilning á mikilvægi heilðrænnar hjúkrunar
- geta metið hjúkrunarþarfir sjúklings
- þekkja og sýna skilning á mikilvægi skráningar.
- vera fær um að skipuleggja eigin störf og sýna fagmennsku í starfi
- geta forgangsraðað störfum sínum
- sýna færni í þverfaglegu samstarfi
- sýna skilning á hlutverki sjúkraliða á viðkomandi deild
- geta gert grein fyrir mikilvægi trúnaðar og þagnarskyldu við skjólstæðing


Nr.: GAT-045	Verkmenntaskólinn á Akureyri	
Útgáfa: 10		
Dags.: 23.02.2016	Vinnustaðanám á hand- og lyflækningadeildum eða almennu sjúkrahúsi og sérdeildum Námsáætlun VIN 205 Haustönn 2016	
Höfundur: AMJ		
Samþykkt: SHJ		
Síða 2 af 5		

Tilhögun verklega námsins í VIN 205 á haustönn 2016

- Verknámstímabilið er frá **12. september – 30. september** og er **15 vaktir**.
- Hver nemandi hefur sinn tengil/tengla á hverri vakt og skal fylgja honum og/eða fyrirmælum hans. Tengill og deildarstjóri bera ábyrgð á að útvega nemandanum námstækifæri inni á deildinni.
- Æskilegast er að nemandi sé morgunvaktir en taki 2-3 kvöldvaktir ef tengill er einnig á kvöldvakt. Á sumum deildum verða nemandur að taka fleiri kvöldvaktir ef aðstæður á deildinni krefjast þess. Næturvaktir eru ekki viðurkenndur námstími. Röðun nema á tengla og á vaktir er í höndum tengils og deildarstjóra. Allt „hringl“ með vaktir er óæskilegt.

Nokkur mikilvæg atriði sem vert er að hafa í huga.


- Þeir nemendur sem eru á **SAk** mæta í **kennslustofu SAK 2. hæð kl. 8:30 mánudaginn 12. september** en þar mun umsjónarkennari hitta nemendur ásamt verkefnastjóra fræðslumála í hjúkrun á SAK.
- Skrifa þarf undir þagnarskyldu áður en verknám hefst.
- Nemendur sem eru á öðrum verknámsstöðum en SAK fá upplýsingar um mætingu á fyrstu vakt frá kennara eða viðkomandi deild.
- Munið að mæta stundvíslega á vaktir og það er 100% mætingarskylda í verklegu námi. Ef einhver forföll verða látið deildina og umsjónarkennara vita.
- Skipti á vöktum á ekki að gera nema brýna nauðsyn beri til og þá **alltaf** í samráði við tengil og/eða deildarstjóra.
- Ef það eru „dauðir“ tímar á deildinni nýtið þá t.d. við að afla ykkur heimilda fyrir verkefni, kynnið ykkur lesefni á deildunum, spjallið við sjúklinga, biðjið einhvern á deildinni að sýna ykkur eitthvað sem þið hafið áhuga á að vita meira um, farið yfir vökvadælar og önnur tæki og tól og svo frv. „dauður“ tími er ekki frí! Notið þessar fáu vaktir sem þið hafið inni á deildunum **vel**.
- Umsjónarkennari mun koma á deildir SAK og HAK og hitta nemendur á meðan verknámið stendur yfir og koma til að gera lokamatið. Umsjónarkennari mun hafa síma og/eða tölvu samband við nemendur og deildir á öðrum stöðum en Akureyri. Nemendur geta alltaf haft samband við umsjónarkennara í gegnum tölvupóst.
- Bannað er að vera með símana á sér í vinnunni, geyma í skáp og skoða þá bara í matar og kaffihléum.
- Ef það er eitthvað sérstakt sem þarf að taka tillit til, hvort sem er tengt vinnuplani, andlegri líðan eða veikindum skal láta vita af því áður en verknám hefst.

Nr.: GAT-045	Verkmenntaskólinn á Akureyri	
Útgáfa: 10		
Dags.: 23.02.2016		
Höfundur: AMJ		
Samþykkt: SHJ		
Síða 3 af 5	Vinnustaðanám á hand- og lyflækningadeildum eða almennu sjúkrahúsi og sérdeildum Námsáætlun VIN 205	
	Haustönn 2016	

Námsmat og vægi námsþátta:

Matsform:	<input checked="" type="checkbox"/> Símat	<input type="checkbox"/> Lokapróf/valið lokapróf	<input type="checkbox"/> Lokaverkefni
Námsmatsþættir	Lýsing námsmatsþátta	Vægi	
Verklegt	Mat á verklegu námi á deild.	35 %	
Sjálfsmat	Sjálfsmat nema á verklegu námi.	5%	
Dagbók	Dagbók frá verknámi, sjá skiptingu námsmatsþátta neðst í upplýsingum um dagbókina.	25 %	
Ritgerð	Ritgerð um hjúkrun á sjúkdómi/aðgerð, sjá nánari lýsingu hér fyrir neðan og skiptingu á námsmatsþáttum	35 %	
	Samtals:	100%	
Annað: Nemandi þarf að ná lágmarkseinkun (4) í bæði dagbók og ritgerð til að hægt sé að gefa lokaeinkunn.			

- **Mat á verklegu námi á deild (40%):** Í lok verknámsins er gefin einkunn fyrir námið á deildinni og er hún gefin sameiginlega af tengli, deildarstjóra og umsjónarkennara á sérstöku eyðublaði (35%). Nemandi **metur sig einnig sjálfur** (5%) og fær tækifæri til að bera saman sitt eigið mat saman við mat deildarinnar á sameiginlegum fundi með tengli og umsjónarkennara í lok verknámsins. Munið að vera búin að gera sjálfsmatið þegar lokamatið fer fram.
- Umsjónarkennari mun heimsækja deildina á námstímanum og ræða miðjumat við tengil. Í miðjumatinu er gefin skrifleg umsögn og ef ástæða þykir til er möguleiki á að nemandi fái aðvörun um að taka sig á og jafnvel fall ef nemandi hefur staðið sig mjög illa. Á stöðum fyrir utan Akureyri mun umsjónarkennari vera í sambandi við deildir í kringum miðjumatið. Allir nemendur þurfa að skila sjálfsmati í miðju- og lokamati. Nemandi bera ábyrgð á að koma ferilbókinni til kennara á þeim stöðum þar sem matið fer fram án kennara.
- **Dagbók (25%):** Nemandi heldur dagbók á verknámstímabilinu þar sem fært er inn hvað hann hefur gert á hverri vakt. Segið frá ykkar upplifun og tilfinningum um það sem þið takist á við í verknáminu. Ekki eiga að koma fram lýsingar af sjúklingum heldur atvikum sem snúa að hjúkrun án þess að hægt sé að rekja atvikið til ákveðinna sjúklinga. Munið þagnarskylduna! Í upphafi verknámsins **skal nemandi setja sér 5 markmið** með veru sinni á deildinni og hafa þau í huga þegar er verið að færa inn í dagbókina. Markmiðin á nemandi að vera búinn að setja sér þegar hann kemur á vakt **15. september** og þarf þá að sýna leiðbeinenda sínum þessi markmið. Þeir nemendur sem hafa ekki skilað inn markmiðum fyrir þann tíma missa 10 punkta af 100 fyrir verklega námið.


Nr.: GAT-045	Verkmenntaskólinn á Akureyri	
Útgáfa: 10		
Dags.:23.02.2016	Vinnustaðanám á hand- og lyflækningadeildum eða almennu sjúkrahúsi og sérdeildum Námsáætlun VIN 205 Haustönn 2016	
Höfundur: AMJ		
Samþykkt: SHJ		
Síða 4 af 5		

Markmiðin eiga að vera lýsandi og a.m.k. fimm markmið. Horfið á markmið áfangans og sjúklingahóp deildarinnar þegar þið eruð að setja ykkur markmiðin. Mikilvægt er að tenglarnir sjái þessi markmið ykkar þannig að þeir séu betur meðvitaðir um það sem þið viljið leggja áherslu á. **Setjið þessi markmið einnig inn í upphafi dagbókarinnar og metið hvort þessum markmiðum hafi verið náð í lokin (meta hvert og eitt með rökum).**

- Í dagbókinni þarf að vera lýsing á deildinni; þ.e. hvers konar deild er um að ræða, helstu aðgerðir/sjúkdómar, stærð deildar, fjöldi starfsf., hvað gera sjúkraliðar, hvað er skemmtilegt/áhugavert við deildina og fl. Í lok dagbókar þarf að koma fram mat á því helsta sem nemandi telur sig hafa lært mest á tímabilinu.
- Dagbókinni á að skila til kennara **viku** eftir að verknámi lýkur (notið línubil 1,5 og leturgerð 12, gerið forsíðu með helstu upplýsingum).
- **Námsmatsþættir dagbókar skiptast í:** Markmiðssetningu (10%) og mat á hverju markmiði fyrir sig (10%), kynning á deild (10%), daglegar dagbókarfærslur á helstu viðfangsefnum sem nemandi gerði og upplifði (40%), vangaveltur, upplifun, líðan og framfarir í verknáminu (30%).

Ritgerð (35%)

- ✓ Nemandi gerir 5-8 blaðsíðna verkefni um sjúkdóm/aðgerð með áherslu á þá hjúkrun sem fylgir viðkomandi skjólstaðingum og nemandi hefur fylgt eftir í verknáminu á deildinni.
- ✓ Í verkefninu þarf að setja fram 3 hjúkrunargreiningar og fyrirmæli með þeim (mega vera staðlaðar greiningar frá deildinni). Eina hjúkrunargreininguna þarf nemandi að velja og fjalla nánar um, segja frá hvers vegna þessi greining er sett fram (rökstyðja með heimildum) og fjalla um þá hjúkrun sem sjúkraliðar veita.
- ✓ Verkefnið skal hafa inngang, meginmál og lokaorð, setjið inn blaðsíðutal og heimildaskrá. Nota skal leturgerð 12 og línubil 1½. Ég vil að í hverju verkefni komi fram a.m.k. **þrjár heimildir** úr fræðilegum bókum/greinum. Verkefnið er einstaklingsverkefni og skiladagur er **4. nóvember**. Verkefni saki skila á tilsettum tíma, vekrefni lækkar um hálfan fyrir hvern virkan dag sem fer fram yfir skiladag. Ekki er tekið við verkefni/ritgerð viku eftir skiladag.
- ✓ Munið að setja engin nöfn inn í verkefnið og ég vil minna á þagnarskylduna sem gildir í öllu því sem viðkemur námi ykkar á deildunum.
- ✓ Allar heimildir sem þið notið í verkefninu eiga að koma fram í heimildaskrá. Ég bendi ykkur á bókina; Ingibjörg Axelsdóttir og Þórunn Blöndal. 2000. *Handbók um ritun og frágang*. 6. útgáfa. Íðunn, Reykjavík. Í þeirri bók er sagt hvernig nota á heimildir og hvernig gera á heimildaskrá. Það er ágætt að hafa það í huga að allar heimildir sem þið notið verða þeir sem lesa verkefnið að geta

Nr.: GAT-045	Verkmenntaskólinn á Akureyri	
Útgáfa: 10		
Dags.: 23.02.2016		
Höfundur: AMJ		
Samþykkt: SHJ		
Síða 5 af 5	Vinnustaðanám á hand- og lyflækningadeildum eða almennu sjúkrahúsi og sérdeildum Námsáætlun VIN 205	Haustönn 2016

nálgast á einhvern hátt með því að skoða heimildaskrána. Notið svo heimildaskráarbæklinginn sem er inni á Moodle við heimildavinnuna.

- ✓ **Námsmatsþættir verkefnisins skiptist niður þannig.** Fræðileg umfjöllun 40%, tenging við starf sjúkraliða 30%, uppsetning og frágangur 10%, heimildaskráning og notkun heimilda inni í verkefninu 10%, eigin hugleiðingar og gagnrýni 10%.

Ef það er eitthvað sem þið eruð að velta fyrir ykkur þá endilega hafið samband við undirritaða, hvort sem það er vegna verknámsins eða verkefna á netfangið mitt maria@vma.is.

Dagsetning: 19.8.16

Maria T.
Undirritun kennara

Hannasvein Schwan
Undirritun brautarstj., fagstj eða staðgengils

